

A Coruña , 12 de abril de 2022

Estimado/a afiliado/a,

O Comité Executivo Provincial acordou o pasado 11 de abril convocar o Congreso Local do Partido Popular de Vedra, que se celebrará o día 12 de maio de 2022 en Vedra.

O Congreso Local do Partido Popular de Vedra será asembleario.

Terán dereito a participar no Congreso todos os afiliados ao Partido Popular de Vedra, incluídos os de Novas Xeracións, que teñan a condición plena de afiliado á data da convocatoria do Congreso, se inscriban como participantes, non estean suspendidos de afiliación e estean ao corrente no pagamento das súas cotas no momento mesmo de solicitar a súa inscrición. (artigos 20.2 e .3 e 12.3 do Regulamento Marco de Congresos).

Ao amparo do disposto no artigo 3.6 do Regulamento Marco de Congresos, o censo péchase o día de convocatoria deste Congreso ordinario local.

O formulario de inscrición estará dispoñible, tanto en formato físico na sede local do Partido Popular, como en versión electrónica nas páxinas web do Partido Popular de Vedra e do Partido Popular na provincia, e deberá ser entregado antes das 20 horas do Martes día 26 de Abril. No formulario deberá aparecer, polo menos, o nome, apelidos, DNI, teléfono móbil, dirección de correo electrónico, sede na que está afiliado e sinatura do solicitante. Tamén deberá conter as estipulacións para que os inscritos consintan a utilización e cesión dos seus datos aos efectos de celebración do Congreso.

Os afiliados con máis dun ano de antigüidade deberán estar ao corrente de pagamento, polo menos, das cotas desde o último Congreso Local. Se a afiliación tivese lugar con posterioridade ao devandito Congreso será necesario estar ao corrente de pagamento desde a data de afiliación. O pagamento deberá realizarse a través de entidade bancaria e terá que executarse con anterioridade, ou simultaneamente, á súa inscrición como participante no Congreso.

A prohibición de comunicación e cesión de datos mencionada no artigo 1.4 deste Regulamento, esténdese igualmente á información da situación dos afiliados do Partido en relación co pago das súas cotas. Nos primeiros días dos procesos electorais, desde as distintas sedes do Partido poderán remitirse comunicacións aos afiliados que non se atopen ao corrente no pago das súas cotas ao obxecto de que, se o desexan e previo pago das cantidades debidas, poidan participar nos Congresos, inscribirse para participar nos mesmos, presentarse como candidatos, avalar candidatos, e votar nos procesos.

Poderán ser candidatos á Presidencia Local do Partido Popular de Vedra, todos os afiliados ao Partido Popular en Vedra que se atopen ao corrente no pagamento das súas cotas, non se atopen suspendidos de afiliación e cumpran co resto de obrigacións estatutarias.

Para ser proclamado candidato á Presidencia Local do Partido, o candidato deberá ir avalado, polo menos, por 10 afiliados do municipio que se atopen ao corrente de pagamento das súas cotas de afiliación, segundo o número total de afiliados ao corrente de pagamento da respectiva Xunta Local do partido.

Os avais terán que formalizarse no modelo oficial que a tal efecto elaborará a Comisión Organizadora e estarán a disposición dos afiliados a partir da convocatoria do Congreso Local.

A presentación da candidatura á Presidencia Local deberá formalizarse diante da Comisión Organizadora, non máis tarde das 20 horas do 26 de Abril (-artigo 21.b. do Regulamento Marco de Congresos-).

Finalizado o prazo para presentar a candidatura á Presidencia Local, a Comisión Organizadora, unha vez comprobado que as candidaturas presentadas reúnen os requisitos esixidos e verificada a validez dos avais, procederá a proclamar aos candidatos e a convocar a campaña electoral interna, nun prazo non superior ás 48 horas desde o remate do tempo habilitado para a presentación de candidaturas.

Unha vez proclamados os candidatos á Presidencia Local, estes deberán presentar, ante a Comisión Organizadora e non máis tarde das 20 horas do Luns, día 9 de Maio (-artigo 21.b. do Regulamento Marco de Congresos -), as súas candidaturas completas nas que deberá constar, xunto ao nome e apelidos do candidato a presidir a Xunta Local, a relación dos 20 vogais que conformen o respectivo Comité Executivo (-artigo 21.d. do Regulamento Marco de Congresos.-)

Ninguén poderá figurar en dúas ou máis candidaturas.

A campaña electoral interna comezará ás 00:00 horas do Venres día 29 de Abril e finalizará ás 24:00 horas, do Domingo, día 8 de Maio. (-artigo 21.c. do Regulamento Marco de Congresos.-)

Os datos que os afiliados comunicaron son do PARTIDO POPULAR, e en ningún caso poden ser postos de manifesto aos candidatos, en calquera das súas manifestacións, nin sequera aínda que con anterioridade a un Congreso viñesen desempeñando algún cargo no Partido.

Isto leva consigo que calquera acto de propaganda electoral que se pretenda levar a efecto hase de realizar, en condicións de igualdade, con todos os candidatos a través dos servizos do propio PARTIDO.

Así mesmo, no Comité Executivo Provincial se aprobou por unanimidade tanto o regulamento do Congreso Local de Vedra, como as personas integrantes do Comité Organizador (COC):

Presidente.-	Agustín Barros Carpinteiro	Vogal.-	María Jesús Piñeiro Caldelas
Secretario.-	Enrique Vázquez Martínez	Vogal.-	M ^a Carmen Espiño Gambino
Vogal.-	Susana García Lema		

Para calquera dúbida podes contactar coa túa sede local ou coa sede provincial, chamando ó 981.223.742 ou a través do enderezo corunya@pp.es

Recibe un cordial saúdo,

Asdo. Diego Calvo Pouso

Presidente Provincial do PP de A Coruña